



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
10-200

Xuv Kaum - Cov Kev Tshawb Xyuas

Cov Txheej Txheem Kev Tshawb Xyuas

**10-212.01 Kev Thov Cov Ntawv Hu Kom Mus Rau Ntawm Tsev Hais Plaub Fab
Kev Kav Tswj Raws Li Ib Txwm thiab Tom Qab Cov Teev Sij Hawm
Ua Hauj Lwm**

01/26/90

Cov txheej txheem rau kev thov Daim Ntawv Hu Kom Mus Rau Ntawm Tsev Hais Plaub Fab Kev Kav Tswj yog cov txuas mus no:

1. Ua kom tiav daim foos Daim Ntawv Thov rau Daim Ntawv Hu Kom Mus Rau Ntawm Tsev Hais Plaub Fab Kev Kav Tswj (MP-3605).
2. Ua kom tiav daim foos Daim Ntawv Thov rau Daim Ntawv Hu Kom Mus Rau Ntawm Tsev Hais Plaub Fab Kev Kav Tswj (MP-3404).
3. **Daim Ntawv Hu Kom Mus Rau Ntawm Tsev Hais Plaub Raws Li Ib Txwm:** Nthuav qhia daim foos Daim Ntawv Thov rau Daim Ntawv Hu Kom Mus Rau Ntawm Tsev Hais Plaub Fab Kev Kav Tswj thiab Daim Ntawv Hu Kom Mus Rau Ntawm Tsev Hais Plaub Fab Kev Kav Tswj rau tus kws lij choj qib siab nyob rau hauv Hennepin Khauj Tim Tus Kws Lij Choj Lub Chaw Ua Hauj Lwm. Tus kws lij choj uas kos npe rau hauv daim ntawv hu kom mus rau ntawm tsev hais plaub yuav khaws cia daim foos ntawv thov xub thawj thiab daim theej tawm ntawm daim ntawv hu kom mus rau ntawm tsev hais plaub uas tau tawm.

Daim Ntawv Hu Kom Mus Rau Ntawm Tsev Hais Plaub Tom Qab Cov Teev Sij Hawm Ua Hauj Lwm: Hu rau ib tug ntawm cov kws lij choj qib siab uas tau txais kev tso cai los muab kev pom zoo rau daim ntawv hu kom mus rau ntawm tsev hais plaub tom qab cov teev sij hawm ua hauj lwm. (Lub chaw tshawb fawb cov thawj coj saib xyuas hauj lwm muaj daim npe cov kws lij choj.) Qhia rau tus kws lij choj hais txog qhov xwm txheej thiab muab txhua cov ntaub ntawv uas muaj kev tsim nyog. Tus kws lij choj, thaum txaus siab tias muaj raug raws li cov cai teeb tseg ntawm kev cai lij choj, yuav tso cai rau daim ntawv hu kom mus rau ntawm tsev hais plaub, los ntawm xov tooj. **Tus Tub Ceev Xwm Yuav Tsum Sau Tseg Qhov Kev Tso Cai** rau hauv Daim Ntawv Hu Kom Mus Rau Ntawm Tsev Hais Plaub Fab Kev Kav Tswj los ntawm kev sau tseg tus tub ceev xwm thiab tus kws lij choj lub npe tib si, hnuv tim thiab lub sij hawm, thiab qhov tseeb tiag uas tau tso cai los ntawm xov tooj rau hauv daim ntawv hu kom mus rau ntawm tsev hais plaub. Hnuv ua hauj lwm tom ntej yuav tsum tau xa daim theej tawm ntawm daim foos Daim Ntawv Thov rau Daim Ntawv Hu Kom Mus Rau Ntawm Tsev Hais Plaub Fab Kev Kav Tswj thiab Daim Ntawv Hu Kom Mus Rau Ntawm Tsev Hais Plaub

Fab Kev Kav Tswj uas tau ua tiav lawm tib si mus rau tus kws lij choj qib siab uas tau muab kev tso cai.

Kev tso cai rau Daim Ntawv Hu Kom Mus Rau Ntawm Tsev Hais Plaub Fab Kev Kav Tswj (tom qab cov teev sij hawm ua hauj lwm) los ntawm xov tooj yog muaj ciam txwv rau cov xwm txheej uas tsis tuaj yeem tos tau kom txog hnuv ua hauj lwm tom ntej. Dhau li no lawm thov kom paub tias cov ntaub ntawv sau tseg feem ntau uas muaj los ntawm Daim Ntawv Hu Kom Mus Rau Ntawm Tsev Hais Plaub Fab Kev Kav Tswj tsuas tuaj yeem nkag mus siv tau ncuaj sij hawm cov teev ua hauj lwm raws li ib txwm xwb.

4. Nthuav qhia daim theej tawm ntawm daim ntawv hu kom mus rau ntawm tsev hais plaub rau tus neeg los sis txoj lag luam uas saib xyuas cov ntaub ntawv sau tseg uas yuav raug hu mus rau ntawm tsev hais plaub.
5. Yog tias muaj kev tsim nyog, nyob rau lub sij hawm muab kev pab cuam, tej zaum daim ntawv hu kom mus rau ntawm tsev hais plaub uas tau kos npe daim xub thawj yuav raug siv rau kev nthuav qhia qhov kev kos npe, thiab tag ntawd yuav tsum raug muab tso rau hauv cov ntaub ntawv kev tshawb xyuas.
6. Yog tias tus neeg los sis txoj lag luam uas raug hu kom mus rau ntawm tsev hais plaub tsis kam muab cov ntaub ntawv sau tseg ntawm kev raug hu kom mus rau ntawm tsev hais plaub, ces txuas lus rau Hennepin Khauj Tim tus kws lij choj uas tau kos npe rau hauv daim ntawv hu kom mus rau ntawm tsev hais plaub. Tag ntawd tus kws lij choj ntawd yuav npaj qhov lus txib ntawm tsev hais plaub txhawm rau yuam kom ua cov ntaub ntawv sau tseg.

Tej zaum yuav thov tau daim foos Daim Ntawv Thov rau Cov Ntawv Hu Kom Mus Rau Ntawm Tsev Hais Plaub Fab Kev Kav Tswj (MP-3605) thiab daim foos Daim Ntawv Hu Kom Mus Rau Ntawm Tsev Hais Plaub (MP- 3404) los ntawm MPD Cov Khw.